

Uunga

Allannguutissatut siunnersuut

Uunga siunnersuut: Isumaginnittoqarfiup aqunneqarnera aaqqissuussaanelu pillugit Inatsisartut peqqussutaata allanngortinneqarnissaa pillugu Inatsisartut inatsisaat nr. xx yy 2017-imeersoq

(Isumaginninnermi Naammagittaalliuuteqartarfiup sulianik ingerlatsinerata naammassiuminarsagaanera)

Naalakkersuisut aappassaaneerinninnissamut saqqummiussaat

§ 1-imut

1. Nr. 1-ip ataani § 8, *imm. 4* imatut oqaasertalerneqassaaq:

“*Imm. 4.* Suliami (illuatungiulluni) peqataasup Isumaginninnermi Naammagittaalliuuteqartarfiup aalajangiinera, Kalaallit Nunaanni Eqqartuussivinnut suliassanngortissinnaavaa. Aalajangiikkap Kalaallit Nunaanni Eqqartuussivinnut tunniunneqarnera pissaaq aalajangiinerup kingorna sapaatit akunnerisa 4-t iluanni.”

2. Nr. 2-p ataani § 9, *imm. 1* imatut oqaasertalerneqassaaq:

” Isumaginninnermi Naammagittaalliuuteqartarfik siulittaasoqassaaq 4-nillu ilaasortaataitaqassalluni.”

3. Nr. 2-p ataani § 9, *imm. 3* imatut oqaasertalerneqassaaq:

“*Imm. 3.* Naalakkersuisut ilaasortaatit 4-t taakkulu sinniisussaak ukiumi sisamani atuuttussanngorlugit toqqassavaat.”

4. Nr. 2-p ataani § 9, *imm. 5* imatut oqaasertalerneqassaaq:

“*Imm. 5.* Ilaasortat 2-t sinniisussaallu isumaginninnermut tunngasunik paasisimasaqartuussapput, ilaasortaq 1 sinniisussaalu inatsisilerituujussapput isumaginninneq pillugu paasisimasaqartut, aammalu ilaasortaq 1 sinniisussaalu isumaginninnermut politikkimik tunuliaqutaqassapput.”

5. Nr. 4-p ataani § 11, *imm. 1* imatut oqaasertalerneqassaaq:

” Isumaginninnermi Naammagittaalliuuteqartarfik aalajangiisinnaassuseqartarpoq, siulittaasoq ilaasortallu 2-t najuukkaangata, taamaattoq takuuk § 10, imm. 11. Isumaginninnermi Naammagittaalliuuteqartarfik amerlanerussuteqarnikkut aalajangiisassaaq. Naligiimmik taasisoqartillugu siulittaasup taasinera aalajangiisuusaaq.”

Siunnersuummut oqaaseqaatit

Oqaaseqaatit nalinginnaasut

Siunnersuummi aalajangersakkanut ataasiakkaanut oqaaseqaatit

Nr. 1-imut

Aalajangigaaq aaqqinneqarpoq taamaalilluni eqqartuussisarnermik inatsimmi aalajangersakkanut naapertuuttunngorluni, matumalu kingorna inuinnaat akornanni saqitsaannernik suliassat Kalaallit Nunaanni Eqqartuusiviit suliap saqqummiunneqarnerani siulliullutik sularinnittuussapput.

Nr. 2-mut

Oqaaseqartartut ilanngussaataq tunuliaqutaralugit allannguuteqartoqarpoq. Isumaginninnermi Naammagittaalliuteqartarfik ataatsimik siulittaasoqassasoq sisamanillu ilaasortaqaassasoq aalajangersakkami aalajangerneqarpoq.

Nr. 3-mut

Nr. 2-p kingorna allannguutit malitseqartitsinermut naqqiutaapput. Aalajangersakkami naqissuserneqarpoq, Isumaginninnermi Naammagittaalliuteqartarfimmi ilaasortat Naalakkersuisunit toqqarneqartassasut.

Nr. 4-mut

Nr. 2-p kingorna allannguutit malitseqartitsinermut naqqiutaapput. Ilaasortanit sisamaasunit ilaasortat marluk atituumik inunnik isumaginninnermik tunuliaqutaqaassapput. Oqaasertaliussami anguniarneqarpoq, ilaasortat toqqakkat sapinngisamik inunnik isumaginninnermik paasisimasaqartuussasut imaluunniit inunnik isumaginninnermik inatsisilerinermik ilinniagaqartuussasut aamma inunnik isumaginninnermik atituumik suliqarnermik misilittagartuujussallutik. Ilaasortaqaq ataaseq inatsisilerituujussaaq inunnillu isumaginninnermut tunngassuteqartunik ilisimasaqartuussalluni, ilaasortarlutaq ataaseq inunnik isumaginninnermik politikkimik tunuliaqutaqaassalluni. Ilaasortat tassaasinnaapput kommunit qinikkatut sulisimasut, inunnik isumaginninnermik politikkikkut suliqaarsimasut, soqutigisaqaqatigiiffinni peqatigiiffinniluunniit aqutsisuusimallutik imaluunniit pingaarutilittut inissisimassallutik, inunnik isumaginninnermik inatsisitigut ilinniartitsisuusimallutik, inuit inunnik isumaginninnermik inatsisinut tunngasunik suliqartut kommunit pisortaqaqfiillu akisussaaffeqarfiisa avataani sullissinnermi peqataasimasut imaluunniit inunnik isumaginninnermik suliassanik aalajangeeqataasarsimasut. Naalakkersuisut Isumaginninnermi Naammagittaalliuteqartarfimmi ilaasortanik sisamanik sinniisussanik toqqaassapput. Isumaginninnermi Naammagittaalliuteqartarfimmi ilaasortat ukiuni sisamani ilaasortassatut toqqarneqartassapput.

Nr. 5-imut

Nr. 2-p kingorna allannguutit malitseqartitsinermut naqqiutaapput. Isumaginninnermi Naammagittaalliuteqartarfik qaqugukkut aalajangiisinnaatitaanersoq pillugu aalajangersagaq

malittarisassanik imaqarpoq. Aalajangiisartut tamarmik peqataanissaat pingaaruteqassappat, aalajangiisartut aalajangiisinnaatitaallissapput, siulittaasoq minnerpaamillu ilaasortat marluk najuukkaangata. Naammagittaalliuuteqartarfirmi aalajangiinerit amerlanerussuteqarnikkut aalajangerneqarsinnaapput aamma taasinerni naligiittoqartillugu siulittaasup taasinera aalajangiisuusarpoq.